

Na osnovu čl. 4.2, 4.7. i 7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11) i člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05), na sjednici Državne regulatorne komisije za električnu energiju, održanoj 28. juna 2017. godine, donijet je

## **ZAKLJUČAK O OBUSTAVI POSTUPKA**

1. Obustavlja se postupak izdavanja licence za obavljanje djelatnosti međunarodne trgovine električnom energijom, pokrenut na zahtjev Društva „INTEH“, d.o.o. Banja Luka, radi odustajanja podnosioca od zahtjeva.
2. Društvo „INTEH“, d.o.o. Banja Luka nema pravo na povrat naknade uplaćene prilikom podnošenja zahtjeva za izdavanje licence.
3. Ovaj zaključak stupa na snagu danom donošenja i bit će objavljen u "Službenom glasniku BiH" i službenim glasilima entiteta.

### Objasnenje

Društvo „INTEH“, d.o.o. Banja Luka (u daljem tekstu: podnosilac zahtjeva), podneskom broj: 05-28-12-112-1/17 od 7. marta 2017. godine, podnijelo je Državnoj regulatornoj komisiji za električnu energiju (u daljem tekstu: DERK) zahtjev za izdavanje licence za obavljanje djelatnosti međunarodne trgovine električnom energijom.

Shodno članu 8. Pravilnika o licencama – prečišćeni tekst ("Službeni glasnik BiH", broj 63/16), DERK je pregledao zahtjev i utvrdio da isti mora biti upotpunjen nedostajućim dokumentom kojim se dokazuje ispunjenje posebnog kriterija iz člana 30. tačka d) Pravilnika, a koji podnosilac zahtjeva nije dostavio i o čemu je obaviješten dopisom DERK-a broj: 05-28-12-112-4/10 od 25. aprila 2017. godine, uz ostavljanje roka od 60 dana za dokompletiranje dokumentacije.

U roku ostavljenom za pribavljanje i dostavljanje nedostajuće dokumentacije, podnosilac zahtjeva je DERK-u uputio podnesak broj: 05-28-12-112-5/10 od 15. juna 2017. godine kojim odustaje od ranije podnesenog zahtjeva za izdavanje licence.

Budući da nema smetnje da podnosilac zahtjeva odustane od svog zahtjeva za izdavanje licence u toku cijelog postupka, sve do meritornog odlučivanja o podnesenom zahtjevu, to je odlučeno kao u dispozitivu ovog zaključka. Donošenjem ovog zaključka Društvo "INTEH" d.o.o. Banja Luka neće biti spriječeno da ponovno podnese zahtjev za izdavanje licence.

Kako je DERK do dana upućivanja podneska o odustajanju od zahtjeva izvršio pregled zahtjeva za izdavanje licence, analizu prateće dokumentacije, utvrdio formalne nedostatke i o istima upoznao podnosioca zahtjeva ostavljajući razuman rok za upotpunjavanje zahtjeva, odnosno poduzeo sve one radnje koje osiguravaju da se ti nedostaci otklone u cilju omogućavanja meritornog odlučivanja o podnesenom zahtjevu, to podnosilac zahtjeva nema pravo na povrat naknade koju je platio prilikom podnošenja zahtjeva za izdavanje licence, u skladu sa Odlukom DERK-a o visini jednokratne naknade za provođenje postupka u skladu sa Pravilnikom o licencama ("Službeni glasnik BiH", br. 41/13 i 17/16).

U skladu sa članom 9.2 Zakona o prijenosu, regulatoru i operatoru sistema električne energije u Bosni i Hercegovini, protiv ovog zaključka može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana prijema ove odluke.

Broj: 05-28-12-112-6/17

28. juna 2017. godine

Tuzla

Predsjedavajući Komisije

Suad Zeljković